



UNIVERSITETI "UKSHIN HOTI" PRIZREN
UNIVERSITY "UKSHIN HOTI" PRIZREN

REKTORATI

Rruga e Shkronjave Nr. 1, 20000 Prizren -Kosovë; Tel:+381 (0) 29- 232 140; Homepage: www.uni-prizren.com

Nr. ref. 01-296
Data: 06/10/2016

Në bazë të nenit 42, 47 pika 1.2 dhe 48 pika 1.7 të Statutit nr. 04-V-621, Senati i Universitetit "Ukshin Hoti" në mbledhjen e mbajtur më 01.10.2016, mori vendim për të shpallur:

KONKURS

**PËR PRANIMIN E STUDENTËVE NË VITIN E PARË TË STUDIMEVE MASTER, PËR VITIN AKADEMIK
2016-2017**

Universiteti "Ukshin Hoti" në Prizren, në studimet postdiplomike-master për vitin akademik 2016-17 do të pranojë **260** studentë.

Nga numri i përgjithshëm i përmendur më lart, duke u bazuar në UA nr.09/2016, Universiteti "Ukshin Hoti" do të regjistroj deri në 12% përkatësisht deri 28 studentë të rregullt nga komunitetet pakicë. Kuota deri në 12% do të shpërndahet në programet e studimit në proporcion me numrin e përgjithshëm të studentëve që do të pranohen.

I. KUSHTET E PËRBASHKËTA TË KONKURSIT

Në studimet master mund të kokurrojnë kandidatët të cilët kanë përfunduar studimet bachelor apo studimet themelore para hyrjes në fuqi të Deklaratës së Bolonjës në të gjitha institucionet e akredituara të arsimit të lartë në Kosovë. Në kushte të barabarta, përparësi në pranim do të kenë kandidatët të cilët i kanë mbaruar studimet themelore në Universitetin "Ukshin Hoti".

Të drejtë konkurrimi kanë gjithashtu edhe kandidatët të cilët studimet themelore i kanë përfunduar jashtë Kosovës. Në raste të tilla kandidati duhet të sjellë vendimin mbi nostrifikimin e diplomës.

Kandidatët të cilët kanë përfunduar studimet paraprake në një program studimi, mund të kokurrojnë për regjistrim në studimet master në një program tjetër. Në rast pranimi, Komisioni i Studimeve i njësisë akademike mund të caktojë provime diferenciale të cilave duhet t'iu nënshtrohen paraprakisht kandidatët. Komisioni i Studimeve cakton numrin e provimeve varësisht nga shkalla e krahasueshmërisë së programit me studimet themelore të kandidatit. Kandidatët do të kenë më së shumti deri në pesë provime diferenciale të cilave do t'iu nënshtrohen para komisionit prej tre anëtarësh ndërsa procesverbalet e provimeve të tilla ratifikohen nga këshilli i njësisë akademike përkatëse.

Kandidatët të cilët kanë të regjistruar një program studimi në cilindo nivel të studimit në kuadër të universitetit, nuk kanë të drejtë konkurrimi në një program tjetër studimi në UPZ pa përfunduar studimet në programin ku janë duke vijuar studimet ose pa u çregjistruar nga programi aktual i studimeve. Kandidatët për pranim si studentë të UPZ-së në vitin akademik 2016/17 nuk mund të kokurrojnë më shumë se në një fakultet, drejtim apo program.

II. MËNYRA E PËRZGJEDHJEJ SË KANDIDATËVE

Numri maksimal i pikëve sipas kriterëve vijuese është 100 pikë, dhe atë:

- Suksesi në studimet themelore deri në 30 pikë
- Suksesi në provimin pranues deri në 70 pikë

Të drejtë pranimi kanë vetëm kandidatët që arrijnë 40% nga numri i pikëve të parapara për provim pranues. Kandidatët të cilët nuk e arrijnë pragun e kalueshmërisë nuk mund të pranohen edhe nëse mbeten vende të pa plotësuara sipas konkursit.

Nëse numri i pikëve të disa kandidatëve të ranguar si të fundit në listën e të pranuarve është i barabartë me kandidatët tjerë jashtë numrit të planifikuar për pranim, zgjedhja e kandidatëve do të bëhet në bazë të suksesit të provimit pranues, e nëse edhe pikët e provimit pranues janë të njëjta atëher do të merret parasysh suksesi i studimeve themelore. Në qoftë se edhe suksesi është i njëjtë atëher përparësi do të kenë kandidatët e gjinisë femërore. Fakultetet janë të obliguara që listën e kandidatëve, të cilët kanë konkurruar, t'ia dërgojnë Rektoratit të universitetit dhe ta publikojnë në ueb-faqen zyrtare.

III. AFATET E KONKURSIT

Paraqitja e dokumenteve bëhet prej: 06.10.2016 deri më 14.10.2016 ora 15:00 (dokumentet do të pranohen vetëm ditëve të punës).

Për aplikim kandidatët duhet t'i sjellin këto dokumente:

- Fletëaplikacioni i plotësuar i cili shkarkohet gjatë aplikimit online nga interneti; linku për aplikim: <http://www.uni-prizren.com>
- Ekstraktin e lindjes (origjinale).
- Diplomën origjinale ose duplikatë përkatësisht certifikatën e diplomimit.
- Pasqyrën e notave në studimet themelore.
- Kandidatët me rastin e aplikimit paguajnë 2.50 euro (fletëpagesa shkarkohet nga interneti me rastin e aplikimit).
- (ju lutem gjatë aplikimit plotësoni saktësisht të dhënat personale dhe informata tjera sepse me këto informata do të kontaktojmë univërsiteti me studentët sidomos email-adresa ku ju do të njoftoheni për çdo aktivitet të universitetit në relacionin Aplikues-Student-Universitet)*

Kandidatët e pranuar me rastin e regjistrimit të semestrit do të paguajnë tarifën e shkollimit sipas UA 17/2014 të datës 06.05.2014

Provimi pranues do të mbahet më 18.10.2016

- Fakulteti Ekonomik- Administrim Biznesi 18.10.2016 ora 10:00
- Fakulteti Ekonomik-Kontabilitet dhe Auditim 18.10.2016 ora 13:00
- Fakulteti Ekonomik-Trashëgimi Kulturore dhe Menaxhim i Turizmit 18.10.2016 ora 16:00
- Fakulteti i Shkencave Kompjuterike- Shkenca Kompjuterike dhe Teknologji Komunikimi 18.10.2016 ora 15:00

Shpallja e rezultateve bëhet më 20.10.2016

Afati për ankesa është më: 24-25.10.2016, ndërsa shqyrtimi i tyre do të bëhet më 26.10.2016.

IV. REGJISTRIMI I KANDIDATËVE TË PRANUAR PAS SHPALLES SË REZULTATEVE

Fotografimi dhe regjistrimi i studentëve të pranuar:

- Fakulteti Ekonomik- Administrim Biznesi 27.10.2016 prej orës 09:00-15:00
- Fakulteti Ekonomik-Kontabilitet dhe Auditim 28.10.2016 prej orës 09:00-15:00
- Fakulteti Ekonomik-Trashëgimi Kulturore dhe Menaxhim i Turizmit 31.10.2016 prej orës 09:00-15:00
- Fakulteti i Shkencave Kompjuterike- Shkenca Kompjuterike dhe Teknologji Komunikimi:
01.11.2016 prej orës 09:00-15:00

Kandidatët e pranuar për regjistrim duhet të paraqesin:

-Fletëregjistrimin e plotësuar

-Dy fotografi formati 6x4

-Fletëpagesën (e cila shkarkohet nga interneti) në shumën prej 150 euro për një semestër. Pagesa bëhet në njërin prej bankave afariste.

Luteni që ti përmbaheni afatit të lartshënuar, në rast të lëshimit të këtyre afateve përgjegjësia bie mbi kandidatin për mosrespektim të tij.

| Nr. | Fakulteti | Drejtimi | Të lira | Të rezervuar për komunitet | Total |
|-----|--------------------|---|------------|-------------------------------|-------|
| 1 | Fakulteti Ekonomik | Administrim Biznesi | 71 | 9 | 80 |
| 2 | Fakulteti Ekonomik | Kontabilitet dhe Auditim | 71 | 9 | 80 |
| 3 | Fakulteti Ekonomik | Trashëgimi Kulturore dhe Menaxhim i Turizmit | 27 | 3 | 30 |
| 4 | FSHK | Shkenca Kompjuterike dhe Teknologji Komunikimi: | 63 | 7 | 70 |

V.KUSHTET E VEÇANTA PËR APLIKIM SIPAS FAKULTETEVE

1.Trashëgimi Kulturore dhe Menaxhim i Turizmit:

Kandidatët të cilët dëshirojnë të aplikojnë në këtë program studimi, duhet të kenë të përfunduar studimet e nivelit themelor në njërin nga këtë drejtime:

- Turizëm dhe Trashëgimi kulturore,
- Arkitekturë,
- Antropologji,
- Histori,
- Arkeologji,
- Gjeografi,
- Administrim Publik,
- Administrim Biznesi.

Kandidatët e interesuar duhet të kenë notën mesatare së paku 8.0 dhe 180 kredi (ECTS), nga studimet themelore të përfunduara në Universitetet Publike. Njohja e mirë e gjuhës angleze është përparësi. Provimi pranues organizohet në formë të intervistës para komisionit intervistues - në gjuhën angleze, dhe në test me shkrim në lëndë profesionale.

2.Kontabilitet dhe Auditim :

Kandidatët të cilët dëshirojnë të aplikojnë në këtë program studimi, duhet të kenë të përfunduar studimet e nivelit themelor në njërin nga këtë drejtime-fusha:

- Ekonomike,
- Juridike,
- Shkencat sociale,
- Shkencat teknike,
- Shkencat aplikative.

Kandidatët që studimet themelore i kanë përfunduar në UPZ (Administrim Biznesi dhe Menaxhment Ndërkombëtar) e që notën mesatare e kanë 8.0 e më lartë, i kanë vendet e rezervuara - pa provim pranues.

3.Administrim Biznesi :

Kandidatët të cilët dëshirojnë të aplikojnë në këtë program studimi, duhet të kenë të përfunduar studimet e nivelit themelor në njërin nga këtë drejtime-fusha:

- Ekonomike,
- Juridike,
- Shkencat politike,
- Shkencat kompjuterike.

Kandidatët që studimet themelore i kanë përfunduar në UPZ (Administrim Biznesi dhe Menaxhment Ndërkombëtar) e që notën mesatare e kanë 8.0 e më lartë, i kanë vendet e rezervuara - pa provim pranues.

4. Shkenca Kompjuterike dhe Teknologji Komunikimi:

Kandidatët të cilët dëshirojnë të aplikojnë në këtë program studimi, duhet të kenë të përfunduar studimet e nivelit themelor në njërin nga këtë drejtime:

- Shkenca kompjuterike,
- Telekomunikacion,
- Mekatronikë,
- Elektronikë,
- Informatikë ekonomike,
- Matematikë kompjuterike
- Matematikë-Informaikë, Teknologji-Informatikë.

Kandidatët që studimet themelore i kanë përfunduar në UPZ (TIT dhe SD) e që notën mesatare e kanë 8.0 e më lartë, i kanë vendet e rezervuara - pa provim pranues.

Për mënyrën e organizimit të provimit pranues dhe lëndët nga të cilat do të mbahet provimi, obligohen dekanët e njësive akademike të dalin me njoftimet zyrtare dhe atë më së largu deri 3 ditë para provimit.